

LXXXIX

دار الفنون

جلد اول فقہ و فرائض و عبادت و اخلاق و حقوق و اقتصادیات

حقوق ، اقتصادیات

ایک آئینہ بر نشر اور نور

مندرجات :

قسم حقوقی :

- | | |
|----------------------|------------------------------|
| | تطبیق واجتہاد |
| [منصورى زاده سعيد] | داعی بن طرفلق حال ووظائف |
| | ساختمه لكده استعمال |
| [احمد صلاح الدين] | افلاسك عقود ومقاولاته تأثيرى |
| | سربستى مقاولات |
| [ديران] | |
| [على كمال] | |
| [ميشون واطوره] | |

قسم اقتصادى :

- | | |
|------------------|-----------------------------|
| | تمتع ویركوسى |
| [ابراهيم فاضل] | احصائياتده استحضار عمليه سى |
| | |
| [مصطفى زهدى] | |

استانبول — مطبعه عامره

۱۳۳۲ — ۱۳۳۴

« ساخته‌لکده » استعمال

ساخته اوله‌رق تنظیم اولمش سندات و اوراق، استعمال ایدلمکجه، ساخته کارلق جرمی تمام اولمز یولنده بزده کرک علم حقوقله توغل ایدنلر و کرک محکمه لریمزجه اوتهدن برو یلشمش بر فکر موجوددر . فی الواقع ساخته اوله‌رق تنظیم اولمش اوراق استعمال ایدلماسندن ویا استعمال ایدلمه چکی بیان اولنمندن طولایی اعطا اولمش متعدد منع محاکمه قرارنامه‌لری، برائت وعدم مسئولیت قرارلری ذکر ایده بیلورز . ایشته بومقاله ایله بوفکرک نه درجه‌یه قدر طوغری واحکام قانونیه مزه موافقی اولدیغنی و دول سائر قانونلریک بوبابده کی احکامی نه مرکزه بولندیغنی تدقیق ایده جکرز .

ساخته کارلق جرمک تشکل و تمامی ایچون « استعمالک » شرط اولوب اولماسی قضیه‌سی، حقیقه برخیلی مناقشائی موجب اولمش بر مسئلهدر . بومسئلهک له وعلینده مؤلفلر طرفندن برخیلی مطالعات و دلائل سرد ایدیلدیکی کی بوکون اروپا دولتلری قانونلریک بوبابده کی احکامی دخی مطرد دکدر . بناء علیه بومسئله حقنده بیان مطالعه ایتمزدن اول اروپا دولتلری قانونلرنده بوخصوصده موجود احکامی بیان ایده لم : قانونمک مأخذی اولان فرانسه قانون جزائی احکامتجه ، قانونک تعین ایتدیکی صورته تغییر حقیقت ، ساخته کارلق ایقاعی آری برجرم، ساخته ومقلد بر شیئی استعمال ایتک آری برجرمدر . فرانسه محکمه تمیزی و فرانسه علمای حقوقی بونلرک آری آری جرملر اولمسندن متفقدلر . فرانسه قانونی موجبجه برکیسه ساخته ومقلد برشیئی بیلهرک استعمال ایدرسه - ولوکه ساخته کارلقی کندوسی ایقاع ایتش اولسون - مجرد استعمالدن طولایی جزا دیده اوله جعی کی ، برکیسه ساخته کارلق و تقلید ایده جک اولور ایسه - ولوکه استعمال ایتش اولسون - ساخته کارلق جزائی کوریر .

فرانسه محکمه تمیزیک مقررانه کوره ، بر ساخته کارلق فاعلی مجهول اولدیغنی ویا تعقیب ایدلمدیکی حالده ساخته اوراقی بیلهرک استعمال ایدن تجزیه اولتور ، کذلک ساخته کارلق جرمنده مرور زمان اولسه بیله اوساخته اوراقی بیلهرک استعمال ایدن ، استعمال جرمندن طولایی جزاء محکوم ایدیه بیلور . کذا برکیسه هم ساخته کارلقدن وهمده

ساخته اوراق بیلهرک استعمالدن طولانی تحت محاکمه آلسه بوا یکی جریمه بریسندن برائت قزایوب دیکرکندن طولانی محکوم اوله بیلور و ممالک اجنبیه ده بر اجنبی طرفسندن تنظیم اولمش ساخته برسد فرانسه ده استعمال ایدلسه، ساخته کارلق جریمی ممالک اجنبیه ده وقوعولمش اولق اعتباریه فرانسه محاکمه دائر قضا سنه داخل اولسه بیله، یالکزر استعمال فعلدن طولانی تعقیبات قانونیه اجرا اولور، کرک ساخته کارلق جریمه وکرک استعمال جریمه آری آری اشتراک و تثبیت احکامی تطبیق اولور.

شوقدر وارکه ساخته اوراق استعمال ایدن بالذات اوساخته اوراق مرتبی ایسه بوتقدیرده آری آری ایکی جرم ایقاع ایش اولماز. بلکه اول کیسه جرم واحدک، ساخته کارلق جریمه فاعلی اولور. زیرا بوتقدیرده استعمال، ساخته کارک تعقیب ایندیکی یکانه مقصد جنایتکارانه سیک اتمامی اولور. بناء علیه استعمال و ساخته کارلق مستقل جرم اولور، مستعملک ساخته کردن ماعدا بر کیسه اولمی تقدیرده واقع اولور. فقط هر حاله بر ساخته کارک مجازات ایدلسی ایچون ساخته اولورق تنظیم ایدلیکی اوراق استعمال ایش بولمسی شرط دکدر.

روما حقوقده دخی استعمال و تقدیر، ساخته کارلق کی مستقل بر جرم عدایدلشدی. ایتالیا قانون جزا سنه دخی ساخته کارلق ایله استعمال آری آری جریملردر. ساخته کارک تنظیم ایندیکی ساخته اوراق استعمال اتمه دخی ساخته کارلقدن طولانی دوچار مجازات اولور. یالکزر ۲۸۰ نجی ماده سنه محرر اولدینی اوزره اوراق وسندات خصوصیه ده ایقاع ایدیلان ساخته کارلق جریمه تمامیتی استعماله متوقفدر. بناء علیه اوراق وسندات خصوصیه ده ساخته کارلق ایقاع ایدیلوبده فاعلی و یا بیلهرک بر شخص ثالث طرفندن اوساخته اوراق استعمال ایدلمش اولماز ایسه، ساخته کارلق فاعلی جزا کورمز. ایسته ایتالیا قانونی موجنبه استعمال شرطی یالکزر اوراق خصوصیه ده ایقاع ایدیلان ساخته کارلقده مشروط اولدیندن قلیز نلکده، اوراق رسمیه ده، اسهام و بانقو طرده، اوراق ودقاتر و سجلات دولته، پولیچه لرده، جیرو صورتیه قابل نقل اولان و یا خود حاملنه محرر بولان سندات تجاریه ده حتی خصوصی وصیتنامه لرده (۱) ایقاع ایدیه جک ساخته کارلقده

(۱) ایتالیا قانون جزا سنه ۲۸۴ نجی ماده سی موجنبه، پولیچه لر، جیرو صورتیه قابل تداول و یا حاملنه محرر سندات الح، ساخته کارلق نقطه نظرندن اوراق رسمیه حکمنده عدایدلشدر. ماده مذکور ذلک ایکتر قهرمی شوصورتیه محرردر «... خصوصی وصیتنامه لر ایله پولیچه لر و جیرو صورتیه قابل نقل اولان و یا حاملنه عاقد اولق اوزره محرر بولان سندات تجاریه اوراق رسمیه حکمنده در».

استعمال شرط اولیوب ، بویولده ساختمه اوله رقی تنظیم ایدیلان اوراق استعمال ایدلمه بیله مجرد ساختمه کارلقدن طولایی مجازات اولنور .

آلمانیا قانون جزاسنک ۲۹۷ نجی ماده سندن مستفاد اولدینی اوزره کرک اوراق وسندات رسمیه و کرک خصوصیه ده ایقاع ایدیه جک ساختمه کارلقدن جرمنک تشکل و تاملتی هر حالده بونلرک استعمالنه متوافدر .

مجارستان قانون جزاسنک ۴۰۱ نجی ماده سیدی ده بوله آلددر . بالعکس آوستریا قانون جزایی فرانسه ده اولدینی کبی ساختمه کارلقدن جرمنک تمامیتده استعمالی شرط ایتهمشدر .

بلجیقا قانونی احکامی دخی فرانسه قانونی کیدر .

فلمنک قانون جزایی دخی ساختمه کارلقدن جرمنک تشکلده استعمالی شرط ایلهمشدر . آنجق ۲۲۵ نجی ماده سنده ساختمه کارلقدن جرمنک تشکلی ایچون « ساختمه کارلقدن استعمال ایتک ویا ایتدرمک قصدیه وقوعه کلش اولمسی » شرط قیلمشدر .

ساختمه کارلقدن حقنده کی مواد قانونیه مرک تدقیقندن مستبان اوله جنی اوزره بزده واضع قانون ساختمه کارلقدن جرمنک صورت ایقاعی و شرائطی بیان وتعداء ایلدیکی حالده استعمالک شرط اولدیغه دائر قانونه برکونا قیددرج ایتهمشدر . بالعکس ۱۵۴ نجی ماده ده و ۱۵۵ نجی ماده نک و ذیل نایسنک صوک فقره لرنده ، فرانسه ده اولدینی کبی ، ساختمه اوراق بیلهرک استعمال ، ساختمه کارلقدن قطع نظر مستقل برجرم اولقدن اوزره ذکر ایدلمشدر .

بزده ساختمه کارلقدن جرمنک تمامیتده استعمال شرطدر فکری ، ساختمه لک جرمنده اضراک شرط اولمسی اسانه مستنددر . فی الواقع ساختمه کارلقدن هر نوعی دیگر برجرمک افعال استحضاریه سنی تشکیل ایدر و اکثر احواله بر منفعت غیر مشروعه تأمین مقصدیه واقع اولور ، بومقصد ایسه آنجق استعمال ایله استحصال اولنه بیلور . استعمال واقع اولمدقجه ساختمه کارلقدن مجرد تعقیب ایدیلن مقصدک برواسطه حصولی استحضاردن عبارت قالور و بناء علیه برکونا ضرر وجوده کلز ، زیرا ضرر ساختمه اوراقک تنظیمی ایله دکل ، استعمالیه حاصل اولور . ایشته بوکی ملاحظاته مبنی ساختمه اوله رقی تنظیم اولنمش اوراق استعمال ایدلمدکجه ساختمه لک جرمی وجود بولماز دینایور .

قانونمزده برکونا صراحت اولمدینی حاله ، ساختمه کارلقدن جرمنک تمامیتده استعمالک شرط اولدینی حقنده بیان اولنان بومطالعات بزجه مقنع کورلمز ، زیرا هر نه قدر ساختمه

برسند استعمال یدلکہ ضرر مادی وجودہ کثر ایسہدہ ، ساختہ کارلق جرمک تشکل و تمامیتی ایچون اساساً بر ضرر مادی وجودہ کلمی شرط دکلدر . بالجلہ جزائیونک تحت تصدیقہ اولدینی اوزرہ ضرر وقوعبولق امکان واحتمالی ساختہ کارلق جرمک تشکلی ایچون کافی در . بوضرر احتمالی ایسہ ، استعمال امکانی ایلہ حاصل اولور . بر مقصد جرمی ایلہ ساختہ کارلنی ایقاع ایدہ یلن کیمسہ ہرنصل اولور ایسہ آنی استعمال ایدہ یلمک اقتدارینی دہ حائر در . دیگر طرفدن ساختہ کارلنک ارتکابی استعمالندن زیادہ ہیئت اجتماعیہ تہلکہ لیدر . زیرا ساختہ بر شئی استعمال ایتک ، اعمالندن دہا سہلدر ، ساختہ کارلنی ایچون بر مہارت مخصوصہ لازم اولدینی حالہ استعمال ایچون بر آرجسارت کفایت ایدر . حتی بعض کرہ ساختہ بر شئی فاعلنک آرزوسی خلافندہ استعمال اولنہ یلمک احتمال و تہلکہ سی یلہ موجوددر . مثلاً بر ساختہ کارک وفاندن صوکرہ حیاندہ اعمال ایتدیکی ساختہ برسندی ورثہ سی طرفدن استعمال اولنسی کبی .

واضع قانون ، قانون جزائک ہر بر مادہ سندہ اولاً اومادہدہ موضوع بحث اولان جرمی تعریف وعناصر تشکیہ سی (Eléments constitutifs) بیان ایش و صکرہدہ جزائی کو ستر مشدر . اگر واضع قانون ساختہ کارلق جرمک تمامیت وتشکلی ایچون استعمالک شرط اولسنی مراد ایتہ ایدی ، بونی صراحۃً قانونہ درج ایدہ یلور و ایتلی ایدی . حالوکہ واضع قانون بویہ بر شرط درج ایتامشدر . حتی ۲۶ مارت ۳۳۰ تاریخندہ ۱۵۵ نجی مادہ بہ ذیل نانی اولہرق قلمہ آلمان مادہدہ « ہر کم نفسہ ویا آخرہ بر منقعت تأمین ویا آخرہ بر مضرت ایقاعی مقصدیہ الخ .. » کبی تعیراتلہ ساختہ کارلنک شرائطی یک صریح اولہرق بیان اولدینی حالہ ینہ استعمالک شرط اولدینی حقندہ بر قید درج ایدلہ مشدر .

ساختہ کارلق جرمک تمامیتندہ استعمالی شرط ایدن قانونلری مطالعہ ایدہ جک اولور ایسہ ک کور برزکہ شرائط سائرہ میانندہ استعمالک دہ شرط اولدینی صراحۃً ذکر ایدلہ مشدر . مثلاً ایتالیا قانون جزائک ۲۸۰ نجی مادہ سندہ « بر کیمسہ تماماً ویا قسماً ساختہ اولہرق اوراق وسندات خصوصیہ تنظیم ایدر ویا خود صحیح اولہرق تنظیم اولنمش بر ورقہ ویا سندک یازیلر نی تعیر الہر ایسہ ، بوندن عمومی ویا خصوصی بر مضرت تولد ایدہ ییلدیکی

وبويله ساخته ويا محرف برورقه ويا سندی فاعل جرم ويا خود بيله رك آخر بر شخص استعمال ايلديكي تقدیرده جزایه مستحق اوله جني « محرر اولديني کي آلمانیا قانون جزاسنك ۲۶۷ نجی ماده سنده دخی (هرکیم بر مقصد جرمی ايله آلمانیا نك ويا دیگر بر اجنبی حکومتنك سند رسمیسینی ويا خود بر حق ويا ملکیتی اثباته خادم خصوصی بر سندی تقلید و تحریف ایدر و اغمال مقصدیله بويله محرف و مقلد سنداکی استعمال ایلر ایسه ساخته کار عد اولور » دینلمشدر . شوماده لرك مندرجائی ساخته کارلق جرمنك تشکل و تمامیتی ایچون استعمالك شرط بولنديني پك صریح صورتده گوستریور .

اگر بزم قانونمزدهده بويله بر قید بولنسه ایدی مسئله قالمز ایدی . زیرا واضع قانون هر بر جرمك شرائط تشکیله سنی ، عناصرینی ایستدیکی کي تعیین ایدر ، فقط واضع قانونك شرط ایتمدیکی بر شئی شرط قیلمق کيفی معاملاتیه قیو آچار . اگر هر محکمه نك بر جرمك تشکل و تمامیتی ایچون - قانونده بولنديني حالده - بر طاقم شرائط احداث و ایجاد ایتمسه جواز ویرلسه قانونده بیان اولزان جرم لرك ماهیتی تبدل ایدر و بر طاقم سوء استعمالتهده میدان ویرلمش اولور . تفسیرلر ، اجتهادلر قانونك عبارات و صراحتی دائره سنده اولمسی ایجاب ایدر .

ذاتاً بزم محکمه تمیزیمزك بيله بوباده کی مقرر اتنده بر اطراد موجود دکلددر . محکمه تمیزك ساخته کارلق جرمنك تمامیتده استعمال شرط اولديني حقنده بر چوق مقرراتی موجود اولديني کي ، محکمه تمیز استدا دائره سنك ۱۷ کانون اول ۳۲۸ تاریخی بر قرارنده عیناً « دعوی ایکی یوزاون بش غروشی ناطق اوله رق تنظیم قلمش اولان علم و خبرك كرك بالاسنه و كرك متنه رقم و کله علاوه ایدر ك مبلغ مذکورك اوچ بيك غروشه افراغی صورتیله ساخته کارلق ایقاعندن عبارت اوله رق بومثللو ساخته کارلق افعالنك تحقیقی حالده متجاسرینك ترتیب جزالری امرنده ساخته لکی در میان اولنان اوراقل عدم استعمالی قضیه سی موضوع بخت اوله میه جفی درکار اولديني حالده » دینله رك ساخته لك جرمك تشکلنده استعمالك شرط اولديني بیان اولنمشدر .

ینه استدا دائره سنك ۲۷ مارت ۳۲۷ تاریخی بر قرارنده عیناً « بویکی ساخته کارلغه متعلق اولان جرائمده قانون جزانك مواد مخصوصه سنده کوسرلديکی وجهله

امینى سوء استعمال فعلنده آرایلان قصد اضراک و جردى ایجاب ایتیموب علاقه دارانک
 حقوقى اضاعه صورتیله احوال حادث اولمسه بیله جرم مذکورک ثبوتى حالنده مستلزم
 مجازات اولمسه کوره محکمه محلیه جه بورالری نظر دفته آلهرق مظنون مومى الیهک فعل
 مذکوره جرائى مرتبه ثبوتده کورندیکى تقدیرده تحدید جزاسى وعکس صورتده برائى
 یولنده اتخاذ قرار اولنق لازم کلورکن محکمه مذکوره جه اعتراضاً جریان ایدن تدقیقات
 نتیجه سنده ورثه متوفانک ضیاع حقوقى موجب اوله جق میدانده بروثیقه قانونیه اولدینى
 بیانیله مظنونک عدم مسئولیتده قرار ویرلمسى یولسز ومغایر اصول وقانون اولدیغندن .. «
 دینلهرک ساخته کارلقد اضرا آرائن ایجاب ایتیه جکی یولنده مباغعلی بر مطالعه یورتمشدر.
 بالعکس محکمه تمیز جزا دائره سى ۲۰ اغستوس ۳۲۸ تاریخلى بر قرارنده عیناً
 ساخته کارلق جرمى تشکیل ایدن احوالدن برى اضرا اولوب ، مذکور سند
 مندرجاتیه کرک مزبورده وکرک برادری متضرر اولماسنه « دهرک
 اضرا بولندجه ساخته لق جرمى تشکيل ایتیه جکنى پک صریح صورتده بیان ایلشدر.
 محکمه تمیزمیزک شو قرارلرینه نظراً ساخته کارلق جرمک تشکيل وتامیتنده استعمال
 شرط اولوب اولدینى حقه قطعى بر اجتهاد موجوددر دینله میه جکی کبی ، ساخته کارلق
 جرمک شرائطده بیله مطرد وقطعى بر اساس قبول اولنماشدر .
 هله بعض مستطق ومحکمه لریمز طرفدن محکمه یه ابراز اولنش برسندى استعمال
 ایدوب ایتیه جکی سؤال اولوب ، مبرزک استعمال ایتیه جکنى بیان ایتیمى اوزرینه
 ساخته کارلق جرمى تمام اولماشدر یولنده اتخاذ اولنان مقررات بسبتون یولسز وغیر
 قانونى در . واقعا اوساخته سندک مبرزى ، ساخته کارلغک فاعلى دکلسه ، اوسندى محکمه یه
 ابراز ایلدیکی زمان ، ساخته اولدینى بیلیمهرک ابراز ایلش وساخته لک مسئله سى خصمى
 طرفدن موضوع بحث ایدلسى ایله ساخته لک وقوعه مطلع اولندقدن صکرده استعمال
 ایتیه جکنى بیان ایتیمکه ، استعمال « بیه رک » واقع اولماش اولدیغندن مسئولیت جزائییه
 کرفار اولماسى طوغریدر . فقط اگر سندک مبرزى بالذات ساخته کار ایسه ، استعمال
 ایتیه جکنى بیانه مسئولیت جزائییه دن تخلیص کریبان ایتیمى نصل تصور اولنه بیلور ؟
 ساخته کارلق جرمک تامیتنده استعماک شرط اولدینى قبول ایدلسه بیله ، اوساخته سندى
 محکمه یه ابراز ایله استعمال واقع اولش اولور .

ساخته کارلق جرمنك تمام اولسندن صكره استعمال ايتمه جكنى بيان ايتك تمام اولش بر جرمى جرمتدن اخراج ايدمه مز . بو طبقى بر مالى آشرمقله سركت فعلنى آتام ايدن سارك مال مسروقى صاحبه اعاده ايتسيه سارق اولمقدن قورتيه مامسى كيدر . اصول جزائيه مزك ۳۶۴ نجى ماده سنده « استعمال ايديلوب ايدليه جكنك سؤل اولنسى » حقتده كى احكام هيچ بر حالده بويه منطق وقواعد اساسيه خلافتده نتيجهلر ويره مز . اشته بو يولسزلىق دىخى ، صراحت قانونيه خلافتده واقع اولان تفسير واجتهادلرك نمره سى در .

فكر عاجزانه مه كوره قانون جزامزك حال حاضرنده كى صراحتنه نظراً ساخته كارلق جرمنك تشكىل و تماميتده استعمال شرطدر دينله مز . قلمزلك ده ساخته لك جرמידر ، نيچون قلمزلكده استعمال شرط اولسون ده اوراقده وقوعبولان ساخته كارلقده استعمال شرط ايديلسون ؟

اكر عدليه مزجه ساخته كارلق جرمنك تشكىل و تماميتى نيچون استعماك شرط اولسى حقتده هر حالده بر ضرورت و لزوم محسوس ايسه بونى قانونه درج واك كوره مواد قانونيه تعديل و ترتيب ايتلى در . يوقسه قانونده موجود اوليان بر شرطى تفسير ايله ميدانه قويمق جائز دكلدر .

ساخته كارلق حد ذاتنده هيئت اجتماعيه نيچون غايت مضر بر فعايدر ، ساخته كارلق تعمداً واقع اولور بر جرمدر ، ساخته كارلق ايدمه جك بر آدم بر خيلى دوشور ، بر طاقم و سائط واسباب استحضار ايدر و نهايت مقصد جنايتكارانه سنى موقع فعله وضع ايلر . ساخته كارلرك تجزيه سى نيچون استعمالى شرط ايتك ، ساخته كارلقى حمايه و تشويقدر . ساخته اوراق و سند تنظيم ايدن بر شخص اساساً آنلرى استعمال و بو صورتله بر منفعت مشروعه تأمين و يا آخره بر مضرت ايراث ايتك مقصديه اجرا ايدر . بر كيمسه مجرد ساخته اوراق و سنداتى تنظيم و تصنيع ايله ساخته كارلق جرمنى آتام و اكمل ايتش اولور ، انك مجرмите قائل اولق نيچون بشقه بر شيئه انتظاره لزوم يوقدر . واقعا ده عكس تقديرده بر ساخته كار تنظيم ايتدىكى ساخته سدى بر بشقه سنده استعمال ايتديرر ، اكر ساخته كارلقى ميدانه چيقمازدن تعقيب ايتدكلى مقصده نائل اولورلر ايسه نه اعلا ، شايد اوسندك ساخته لى نظاهر ايدرسه ، ساخته كار استعمال ايتديكندن طولايى جزادن قورتيلور ، مستعملده

بيلميهرلك استعمال اينديكى ويا استعمال ايتمه جكنى بيان ايدرك جزادن تخلص كريبان ايدر وبوصورتله ساخته كارلق جرمى كې مهم بر جرم اكثر احوالده جزاسز قالور . فكر عاجزانه كوره ، استعمال بر ساخته كارك مسئوليت جزائيه سى ايچون شرط اولمايدير . اولسه اولسه ساخته كاره تعيين اولسه حق جزانك حدنى تعيين امرنده نظر دقته التميز . شوبله كه ساخته كار ساخته اوله رق تنظيم ايلديكى اوراق استعمال ايتسون ايتسون ، مجرد ساخته كارلق اجرا ايلديكندن طولاي جزا ديده اولملى در . فقط جزانك حد ودرجه سنى تعيينده او جرمدن متحصل ضررك درجه سنى ده نظر دقته المق ايحاب ايده جكندن وذاتاً قانونمرك بر خيلي ماده لرنده بر جرمدن متحصل ضرر آز اولديغى ويا تعمير وتلافى ايلديكى تقديرده جزانك تخفيف ايدلمسى اساسى قبول اولنمش اولديغندن اكر ساخته كار ، ساخته اوله رق تنظيم اينديكى اوراق استعمال ايتمش ايسه آغى بر جزا ترتيب ايتك ، استعمال ايتماش ايسه نسبة دها خفيف بر جزا تعيين ايتك بك موافق اولور ، يوقسه ساخته اوراق تنظيم ايدن بر ساخته كارى استعمال ايلديكندن طولاي جزاسز بر اقق قطعاً جائز اوله مز .

بويايده فلنك قانوننده موجود شرط يعنى « ساخته كارلق استعمال ايتك ويا اينديرك مقصديله وقوعه كتيرمى » شرطى مسئوليت جزائيه ايچون كافى در . هله اوراق رسميه ده اجرا اولسه حق تغييرات وتحريفاتده استعمالك شرط قلنمى خاطره بيله كلز .

حقوق فاكولته سى حقوق جزا ومقايسه

قوانين جزائيه مدرسى

درياه

